


www.BibleForChildren.org



Ore i mexũ
ga Cuáũ
ümatüxũ 14



Rü Ngechuchu rü ñanagürü: —¡Taxú i
penaxĩxãchiãëgüxũ i pemax! ¡Tupanaaxú peyaxõgü rü
choxú rü ta peyaxõgü! Chaunatüpatawa nangëxma i
muxũchixũma i ucapugü. Ngëxguma chi nataxuxguma,
rü taxũchima pemaxã nüxũ chixu. Rü ngéma tá chaxũ
nax pexcax
chayamexëëxũ
i pechicagü.



Rü ngëxguma ngéma chaxũxgu rü choxũ namexgu i
wüxi i pechica, rü wena táxarü núma chaxũ. Rü pexũ tá
chayagagü nax ngéma íchangexmaxũwa
pengëxmagüxũcaḁ.



Rü choma i Cuáũ rü peenexẽ chixĩ. Rü ñuxma nax
Ngechuchuarü duũxũ chixĩxũ rü pexrũxũ
chaxãchica i Tupana ãẽxgacü íyixĩxũwa.



Rü Ngechuchucaḁ pexrũxũ ngúxũ chinge, natürü
nüma pexũ naporaexẽẽxũrũxũ choxũ naporaxẽxẽ
nax yáxna namaxã chaxĩnũxũcaḁ i guxũma


i ngẽma ngúxũ i chingexũ. Rü choma rü
capaxũ ga Pátmugu



chapoxcu naxcaḁ nax
nũxũ chixuxũ ga
Tupanaarü ore ga
Ngechuchuchiga.



Rü yexgumatama ga choma rü Tupanaãxē ya Üü necü
rü chauãẽmaxã inacuax, rü daxũwa nanaga. Rü yéma
daxũguxũ ga naanewa nüxũ chadau ga wüxi ga
tochicaxũ ga mexẽchixũ ga yéma wüxi nawa rütoxũ.




Rü nüxũ chaxĩnũ ta ga naga ga guxũma i taxacũ i
maxũxũ i daxũguxũ i naanewa rü ñoma i naanewa rü
naanetũũwa rü mārwa ngẽxmagũxũ
ga ñagũxũ: “Name nixĩ nax
guxũgutáma guxãma nüxũ
icuaxũũgũxũ rü nüxũ ngechaũgũxũ
rü nataxẽẽgũxũ ya yimá
Carnéruxacũ
rü yimá
tochicaxũwa
rütocũ”,
ñanagürügũ.”



Rü nüxũ chadau ga guma ãane ga mexũne ga
Yerucharéũ ga yexwacaxũne ga daxũguxũ ga naanewa
Tupanaxũtawa írũxĩxũne. Rü guma ãane rü guxũwama
nimexẽchi ñoma wüxi i pacü i ngẽxguma iyangĩxgu rü
ngĩtecax ngĩgü mexẽęcürũxũ ixĩxũne.



Rü nüxũ chaxĩnũ ga wũxi ga naga ga yema tochicaxũwa
inaxũxũ ga tagaãcü ñaxũ: “Ñaa nixĩ i nachica ya Tupana
nawa maxũxũ natanũwa i duũxũgũ. Rü nüma rü
natanũwa tá nangẽxma, rü nümagũ rü norũ duũxũgũ tá
nixĩgũ. Rü nüma tátama natanũwa namaxũ nax
guxũguma
norũ Tupana
yixĩxũcaḡ.”



Rü ñuxūchi ga yema orearü ngeruxū rü choxū nüxū
nadauxēxē ga wüxi ga natü ga ñoma bídriurūxū
ichipetüchiüxū ga dexá ga maxēēruxū nawa yexmaxū.
Rü yema natü rü Tupanaarü tochicaxūwa rü yimá
Carnéruxacüarü tochicaxūwa nixĩ ga ne nadaxū.



Rü yima ñane rü taxucaḁma üaḁcü rü tauemacü nüxũ nabáxi, erü Tupanaarü ngóonexũtama nixĩ i nangóonexẽẽxũ. Rü yimá Carnéruxacü nixĩ ya norü omü ixĩcü.




Natürü tagutáma ngẽxma naxücu i
taxacü i Tupanapexewa chixexũ,
rü bai ya texé ya chixexũ úxe
rüexna idorataxáxe. Rü
yíxema Carnéruxacüarü
popera
ngoḁégagüxexica tá
tixĩ ya ngẽxma chocuxe
rü nayauxgüxe i maxũ i
taguma gúxũ.




“Rü nüma tá ínanapi i
naxgüũxētü i guxüma i ngēma
duũxügü. Rü marü taxūtáma
texé tayu, rü taxūtáma texé
tümaarü ngechaũmaxã taxaxu,
rü taxūtáma texé ngúxũ tingegü.
Erü guxüma ga yema noxri
yexmaxũ rü marü inayarüxo”,
ñanagürü.




Rü ngéma rü nataxutama i taxacü ya Tupana chixexü
namaxã ueguxü. Rü yima ñanewa tá nangëxma i norü
tochicaxü ya Tupana rü yimá Corderuxacü. Rü norü
duñxügü rü tá nüxü nicuaxüügü. Rü mea tá
nachiwexüchixü nadaugü,
rü nacatügüwa tá
nangëxma i naéga.



Rü nüxũ chadau ga yema yuexũ ga yaexũ rü buexũ ga
yema tochicaxũwa rütocüpe_xegu chigüxũ. Rü ningena
ga poperagü. Rü yexgumarüxũ ta ningena ga yema
popera i nagu yawúgüxũ i ngẽma duũxũgü i nüxũ
ngẽxmaxũ i maxũ i taguma gúxũ.



Rü yema yuexũ rü yexgumarũxũ ga ñuxãcũ nax
namaxẽxũ ga wüxichigü rü yexgumarũxũ ga ñuxãcũ nax
yema poperagu naxümatũxũ ga nachiga ga wüxichigü
ga duũxũ rü yemaacü namaxã nüxũ nixu nax ngextá tá
naxĩxũ. Rü guma naxtaxa ga üxümaxã iyauxrachiünewa
nawoũ ga yema tama nawa ngoxégagüxũ i
Tupanaarü popera i nagu yawúgüxũ i
ngẽma nüxũ ngẽxmagüxũ i maxũ
i taguma gúxũ.




Rü Tupanaãxē ya Üü necü rü guxūma i yaxōgūxū, rü Ngechuchuxū ñanagürügü: “¡Nua naxū!” ñanagürügü.

Rü yíxema nüxū ñnüxe i ñaa ore, rü: “¡Nua naxū!” ñatagügü. Rü yíxema itaxawaxe rü tūxū nachixégaxe, rü name nixĩ i nua taxū rü tūxū nangetanüãcūma nawa

taxaxe i

ngēma
dexá i
maxēēruxū.



Rü Tupana rü
poraãcũ nũxũ
nangechaũ i ñoma i naanecũãx i
duũxũgũ. Rü yemacaç inanamu ga Nane
ga nũgũmaxã wũxicacũ nax guxãma ya
texé ya nũxũ yaxõgũxe rü tama
itarũtauxexũcaç rü tũxũ
nangẽxmaxũcaç i maxũ
i taguma gũxũ.



Popera ga Rómawa yexmagüxü ga yaxõgüxütanüwa
namuxü ga Pauru 3:23 Rü guxãma rü pecadu taxü rü
ngẽmacax nüxna tayáxügugü ya Tupana ya üü necü.

Popera ga Rómawa yexmagüxü ga yaxõgüxütanüwa
namuxü ga Pauru 6:23 Rü natanü i ngẽma pecadu tüxna
ãxü, rü yu nixĩ. Natürü ngẽma ãmare ya Tupana tüxna ãxü
rü maxü i taguma guxü nixĩ i ngẽxguma tórü Cori
ya Ngechuchuaxü yaxõgügu.

Popera ga Yudíugü ga yaxõgüxücax ümatüxü 9:27 Rü
ngẽxgumarüxü nax wüxicanatama nayuexü i duüxügü rü
ngẽmawena Tupana tá nüxü nicagü, rü yexgumarüütama
ga Cristu rü wüxicanatama nügü inaxã rü nayu nax
naxütanüxücax i muxüma i duüxügüarü pecadugü. Rü
nüma ya Cristu rü wena tá núma naxü, natürü tama
pecaduarü ütanüwa. Rü tá núma naxü nax
namaxẽẽãxücax i guxüma i duüxügü
i aixcüma ínanguxüxẽẽgüxü.



Popera ga Epéchiuwa yexmagüxũ ga yaxõgüxũtanüwa
namuxũ ga Pauru 2:8,9 Rũ Tupanaarũ ngechaũgagu
penayaxu i maxũ i taguma gúxũ yerũ peyaxõgũ. Rũ ngẽma
maxũ rũ tama pegünatama penaxã, natürũ Tupana nixĩ ga
pexna naxãmarecũ ga yema. Rũ tama taxacũ i mexũ i
pexüxũgagu nixĩ i pexũ nangẽxmaxũ i ngẽma maxũ, natürũ
Tupana nixĩ ya pexna naxãmarecũ nax ngẽmaãcũ
taxúema tũgũ icuaxüxũxũcax.

Popera ga Rómawa yexmagüxũ ga yaxõgüxũtanüwa
namuxũ ga Pauru 10:9,10 Erũ ngẽxguma cuaxmaxã nüxũ
quixuxgu nax curũ Cori yixĩxũ ya Ngechuchu, rũ ngẽxguma
cuyaxõxgu nax yuwa Tupana ínadxẽẽxũ, rũ tá cuxũ
nangẽxma i maxũ i taguma gúxũ. Erũ ngẽxguma
Ngechuchuaxũ yaxõgũgu nixĩ nax Tupanapexewa imexũ.
Rũ taaxmaxã nüxũ tixu nax tórũ Cori yixĩxũ ya Ngechuchu,
nax ngẽmaãcũ nayaxuxũcax i maxũ i taguma gúxũ.



Ore i mexũ ga Cuáũ ümatũxũ 3:16,17 Rũ Tupana rũ poraãcũ nüxũ nangechaũ i ñoma i naanecüãx i duũxũgũ. Rũ yemaca_x inanamu ga Nane ga nügũmaxã wüxicacũ nax guxãma ya texé ya nüxũ yaxõgũxe rũ tama itarũtauxexũca_x rũ tüxũ nangẽxmaxũca_x i maxũ i taguma gúxũ. Yerũ ga Tupana rũ tama ñoma ga naanewa nanamu ga Nane nax poxcu duũxũgũmaxã naxueguxũca_x. Natürũ núma nanamu ga Nane nax duũxũgũxũ namaxẽxẽxũca_x.

Nüxíraxũxũ ga popera ga Cuáũ ümatũxũ 5:11-13 Rũ yema Tupana nüxũ ixuxũ ga ore nixĩ nax nüma rũ tüxna naxããxũ i maxũ i taguma gúxũ. Rũ ngẽma maxũ i tüxna naxãxũ rũ Nanegagu tüxũ nangẽxma. Yíxema nüxũ yaxõxe ya Tupana Nane rũ tüxũ nangẽxma i ngẽma maxũ i taguma gúxũ. Natürũ yíxema tama nüxũ yaxõxe ya yimá Tupana Nane rũ tama tüxũ nangẽxma i ngẽma maxũ. Pa Chauenexẽgũx ya Tupana Naneaxũ Yaxõgũxex, pexca_x chanaxümatũ i ñaa ore nax nüxũ pecuáxũca_x nax pexũ nangẽxmaxũ i maxũ i taguma gúxũ.



Ore i mexũ ga Cuáũ ümatüxũ 14; Norü taxre ga
popera ga Coríntiuwa yexmagüxũ ga yaxõgüxũtanüwa
namuxũ ga Pauru 5; Yema Cuáũ nüxũ dauxũ i yixcüra
tá ngupetüxũchiga 4; 21-22

Storyline by: Edward D. Hughes

Illustrated by: Lazarus
and Alastair Paterson

Adapted by: Sarah S.

Ticuna Bible (tca) © 2022, Wycliffe Bible Translators, Inc. All
rights reserved.

<https://www.bible.com/bible/289/GEN.1.TCAP>

©2025 Bible for Children, Inc.

www.M1914.org

www.bibleforchildren.org

